

Tema 1. Gogi Mumatkotu Pirana.

Muchinanpot-gima rawnina Pero chijne gajenni. Gi yonpiranyegitkanna. Giyagni wannani ginkakle gi wumata. Seyni rukshikgimatka psotsotaaji wannani gejnunkate, chiji gitokote gwachri. Giyaagimni rumatka wa muchinanpotu rawnina Pero chijne gajenni. Kapokotgimni wa gikshiikalurutka.

Wanenanru mapa gwashlukaka. Muchinanu wanenanru Sotlu Gwashle. Wale gwashle gwachinni gejnunkate gima sotlu, gapchi, nikchimta kamrutikaluru. Walepje rukshikikna.

Wannani gapkatatachinni Sintawo Gwashle gima ruwekanatyanina. Kori, sintawo kamrutikalur-gima rukshikikna wannani.

Gapkatatachinpotni Yowuma Gwashle ruwekanatyanina. Wannani gejnunkate gima yowuma, sroschi, plomo kamrutikalur-gima.

Wanna Pero chijne gajenni muchichachinni nikawnagimananumtanna. Rejnunkatna psotsotaaji ruknokananumtanna. Walepje gima

Tema 9. Ginkanni Goyakalutene Pirana.

Rupnininatka Mayta Kapni, jiglokatka Kapa Yopanki. Wale girukotlewatiniko-pshinni gima Ginkane gakaglokna kechwanni. Ga wa pi-mrinkoxa, gixo yinni rakaglogkimatna.

Wale koxa Kapa Yopanki ginglepoklewata raka-glokanune yegi. Gixo tsru sotlupji kamrujixni. Ruglepokjixgimatniri panchi, goyakalune wanna potu minjene yonogyegitikowakapa.

Ginkanni yonogyegitlu tkachi, ksuru, kagiri. Wirakocha koxa yonogyegitnina, wa Tiyanawako gajenni goyakalutenanu. Walenankoko Ginkanni pogire gitaknawa tkachi wgenexinri pgutni. Giyaagimni pejnurunniko yonogyegitlu Ginkane pogire. Pamole gima waneyna royakalutna. Wannako rutsrukatnina goyakalune chinashatnina. Ga wa nikchi royakalutetnina, sotlu, pagixanuko.

Gixpotna sasertotenni rutakna. Sasertote gitsrukatpotgimni rutakgiwakatna Wiya Goma. Kgimatgojrewaklerune, kayinretaklerune, kago-

Tema 45. Pimrine Kpogirine Pero Chijne Giru-
kotachine.

Don Nicolás de Piérola koxa tsru potu rixa. Pagixanumnu kamrujixa ptowrunenupa. Pejnuruneko solalotlewle yinuwakjixa.

Satutnakni don Manuel Prado. Ptowruneko yimakikowaka rutakjeta. Kosekachripotni wale.

Giyagni General Manuel Odría jigloka psolchijneko girukotachri. Walenwa "Escuela Bilingüe" gitakachri.

Wale gipekole jiglokatnaka Fernando Belaúnde Terri. Wale koxa gipxakpotuna yine, panenemnunanuko Pero chijne gajene. Giyagni wa 3 wa goktowre wa 1968 yinuwa-ka girukotlewletna wanna ksolalotene. Wane chinkana Girukotlewatachine Kashrijewnakklewatachine. Ga wa Gitsrukaachi walenwa General Juan Velasco Alvarado. Muchikawluru yokanrukaka kashrijetna. Gerotu yokanrukaka kamrutna rupxakikolupna gixolune yine Pero chijne gajene.

Tema 26. Pero Chijne Yagapgatinri Pisaro.

Tapokinitka kanawa rumuwpotutna solalone. Seyni gima Pisaro gi yijnakotlu Panama girukotachri. Giyagni susawotlu ksatu. Wane china: Katukta galuka satokleta tkachi potukle sretate rutakinwa. Wannapni kwamonurunepa. Katukta Pero chijne gapakapa gitayma, tkachi kegnete sretate rutakinwa. Wannapni ponikolunepa --china. Pamole mapapje tkachi kegnete sretate tunwata, raluka gimotsletjene.

Yagapgatatkana. Pero chijne rapokna. Wane retyaluna gixpotu Ginkane gejnunkate, kori, sroshchi kamrutikaluru. Giyagni satkapatka. Panama yatka. Psoji gima ranika Pero chijne gajene kamrutanrukaka. Wa girukotlewatachri gimutlu kori chinanu. Raluka gipxakletmaklu. Giyagni Gispanya yokanatlu, solalone rujgapinripa pogirchi yegi. Pogirchi gigitlu. Solalone reneklu. Wanna gimotsatlu. Wanna Panama rumapoka.

Warko. Tito satoka Kilako yegi. Tunkakgima-
tlu gepi tengogne gijrukyachine tetinritka.
Tunkaklu wa Ginkanni pogirewatyawaka gima ni-
kawnanatka. Klatalune girukotlewatatka.
Wane koxa chinru Kilako: Gi jejno --china--.
Gitakni pixa galukanrono --chingimata.

Wane gima yatkana Gernanto Soto yegi.
Wane wawtisatikna Katolikone rixinrigimapna.
Kilako rutakgiwakatluna Gernanto; ga wa suxo
rutakgiwakatlona Leyonoro. Kashimyogimjixka-
na Katolikone rixinripna.

Gepi walapu gima rupnanatka Kilakni.
Rupninitka waleni, tmushiwgimatatka Leyonoro
Gernanto Soto chinangima. Wala chinanu gima
klatalunni yinuwaka yapjetletatkana Ginkane-
ymani.

Gepomgalkaka:

1. ¿Kna giwakni wa gepi klatalune wajra giya-
katyachine wa Tito getanune Gawgaya?
2. Kilako yegi tsatokinitka Tito ¿gi chinru
wa pachijne giyakatyachine pirana?

rumatpiranpotutluna. Wa yinuwaka girukotle-
wletnina Ginkanni payinerumnunangimako rapa-
tjetnina. Patokanupje yanumjixkakanna.

Giyagni tye pirana yonjetachine wane chinna
patokanchipje yanumsatyana pejnurunniko.

Wane chinkoxna wa gixo goyakalune wanna-
potu minje yonogyeeegimatnina. Satu goyakalu
wale potu minje giwakgimananni Konilya.

Wale gimananni wa kgiyaklewakleru. Satu,
Tichi giwakni. Walenwa yokaakaluru Katalo
Munakatopa. Satgimananni Wirakocha.

Wale gimananni Giwekikaluru Gwagognenatachri.
Waneru ginkaklusha goyakalune wanna potu
minje pirana.

Wale rumatiknina muchinanpotu gwapachi-
nni.

Gepomgalkaka:

1. Pachijnemnu wa Ginkanni gakaglokanune yegi,
patokanupje gima yanumjixikanna wa payine-
rumnunanuka wane gajenni. Giyagni pimrine
kagwaka patokanupje yanumtapyanna pejnuru-